

## REGLUGERÐ

### um breytingu á reglugerð nr. 578/1982 um námslán og námsstyrki með áorðnum breytingum.

1. gr.

32. gr. orðist svo:

*Nám hafið að nýju.*

Nú byrjar lánþegi lánshæft nám að nýju eftir að fyrra námi telst lokið skv. 29. gr. um námslok. Er sjóðstjórn þá heimilt að veita honum undanþágu, að hluta eða öllu leyti eftir atvikum, frá endurgreiðslum af fyrri skuld meðan síðara námið stendur yfir enda hafi lánþegi lagt fyrir sjóðstjórn upplýsingar um tekjur sínar, eignir, lífeyri og önnur atriði er stjórnin telur máli skipta.

Námsmanni reiknast síðan önnur heildarskuld vegna síðara námsins og fer um greiðslur af henni eins og um sjálfstætt lán væri að ræða nema hvað heildargreiðslur á hverju ári skulu aldrei vera meiri en kveðið er á um í 30. og 31. gr. og vikur greiðsla af síðari skuld þá fyrir greiðslu af fyrri skuld þar til hún er að fullu greidd.

2. gr.

Reglugerð þessi öðlast þegar gildi.

*Menntamálaráðuneytið, 9. janúar 1991.*

**Svarar Gestsson.**

*Árni Gunnarsson.*

3. janúar 1991

Nr. 12

## AUGLÝSING

### um staðfestingu félagsmálaráðuneytisins á sameiningu Presthólahrepps og Öxarfjarðarhrepps í Norður-Þingeyjarsýslu.

Með vísan til 112. gr. sveitarstjórnarlaga nr. 8/1986 tilkynnir ráðuneytið að það hefur hinn 3. janúar 1991 staðfest sameiningu Presthólahrepps og Öxarfjarðarhrepps í Norður-Þingeyjarsýslu í eitt sveitarfélag.

Jafnframt hefur eftirfarandi verið ákveðið:

Nafn hins nýja sveitarfélags skal vera Öxarfjarðarhreppur.

Kosning sveitarstjórnar hins nýja Öxarfjarðarhrepps skal fara fram laugardaginn 2. febrúar 1991, sbr. 13. gr. sveitarstjórnarlaga.

Kosningin skal vera bundin hlutfallskosning, sbr. 1. mgr. 15. gr. sveitarstjórnarlaga.

Kjósa skal fimm fulltrúa í sveitarstjórn hins nýja Öxarfjarðarhrepps, sbr. 1. mgr. 11. gr. sveitarstjórnarlaga.

Kjörstjórnir þær sem kosnar voru í upphafi yfirstandandi kjörtímabils samkv. 23. gr. sveitarstjórnarlaga skulu vera undirkjörstjórnir við kosningarnar. Hreppsnefndirnar skulu

koma sér saman um kosningu 3ja aðalmanna og jafnmargra til vara í yfirkjörstjórn og verði ráðuneytinu tilkynnt um kosninguna að henni lokinni.

Formleg sameining þessara sveitarfélaga skal taka gildi 17. febrúar 1991.

*Félagsmálaráðuneytið, 3. janúar 1991.*

**Jóhanna Sigurðardóttir.**

*Húnbogi Þorsteinsson.*

## GJALDSKRÁ

### Hitaveitu Reykjahlíðar.

#### 1. gr.

Hitaveita Reykjahlíðar selur hitaorku frá aðveituæð og dreifikerfi veitunnar samkvæmt ákvæðum gjaldskrár þessarar.

#### 2. gr.

Hitaveita Reykjahlíðar lætur hverju húsi, sem er í sambandi við vatnsæðar hennar, í té vatnsmagn er ætla má að nægi til hitunar á húsinu, enda séu ofnar hússins nægilega stórir að dómi eftirlitsmanns hitaveitu.

Hitaveitunni er heimilt að takmarka með hemli vatnsrennsli að húsi eftir því sem þörf krefur og er starfsmönnum hitaveitunnar einum heimilt að breyta stillingu hans.

#### 3. gr.

Fyrir afnot heita vatnsins skal greiða skv. vatnsmæli fyrir hvern rúmmetra vatns miðað við vatnshita í tengibrunni þar sem stofnæð og heimtaug/dreifikerfi mætast, sem hér segir:

- a) Fyrir vatn 80 °C og heitara . . . . . kr. 68,75
- b) Fyrir vatn 70-79 °C greiðast 80% af gjaldi skv. a lið.
- c) Fyrir vatn 69 °C og kaldara greiðast 60% af gjaldi skv. a lið.

Hitaveitunni er heimilt að færa notendur milli gjaldflokka þar sem einstakar heimtaugar eru það langar að ætla má að um verulega kólnun sé að ræða í þeim.

Þar til vatnsmælir hefur verið settur upp og ef vatnsmælir bilar áætla hitaveitan vatnsnotkunina með hliðsjón af hitaþörf hússins. Hitaveitan lætur húseigendum í té aukamæla ef þess er óskað.

#### 4. gr.

Fyrir hverja húsveitu (1. mæli) er greitt fast mánaðargjald sem fer eftir stærð mælis sem hér segir:

- a) Fyrir mæli allt að ¾" . . . . . kr. 550,00
- b) Fyrir mæli 1"-2" . . . . . kr. 1 100,00
- c) Fyrir mæli 3" og stærri . . . . . kr. 2 200,00

#### 5. gr.

Hitaveitugjöld skv. 3. og 4. grein verða krafín mánaðarlega, þegar eftir mælaálestur. Þó er heimilt að láta líða lengri tíma en einn mánuð á milli álestra og fækka gjalddögum. Óski notandi þess að lesið sé af mæli hans utan reglubundins álestrartíma hitaveitunnar og honum gerður sérstakur reikningur, skal hann greiða fyrir það gjald . . . . . kr. 500,00